

LEA ARTIBAI ESKUALDEKO URRIKO AZOKA NAGUSIRAKO OINARRIAK

HELBURUA

Lea Artibaiko Landagarapen alkartea osatzen duten alde ezberdinek, eta Amoroto, Aulesti, Berriatua, Etxebarria, Gizaburuaga, Ispaster, Markina-Xemein, Mendexa, Munitibar, Ondarroa, Ziortza-Bolibar eta, elkarte kanpoko, Mallabiko udalek beren beregi, argi dute lehen sektorearen garrantzia orokorrean eta gure eskualdean bereziki. Horrela, garrantzi berezia hartzen dute berau sustatzeko ekintzek zein azokek, hauek duten garrantziagatik ekonomiarentzat, nekazaritza dibertsitatearentzat, ingurumenarekiko errespetuarentzat eta kontsumo jasangarriarentzat.

Landa eremuaren garapena helburu izanik, landagunea zaintzea, landa eremuetan jarduera ekonomikoa sustatzea eta dibertsifikatzea eta biztanleen ongizate-maila hobetzea helburu dira. Horretarako, ustiategi txikien bidez produkzio tradizionalaren eredia mantentzea eta berau herritarrengana hurbiltzeko ekimenak aurrera eramatea ezinbestekoak dira.

Azokak, zein bestelako ekimenak, funtsezko dira sektore honen bideragarritasuna bermatzeko. Ekoizleen eta kontsumitzaileen arteko topaketa eta salmenta gune bat sor dadin, azken hauek, bertan ekoiztutako elikagaien balioaz jabetzeko eta hauen kontsumoa handitzeko kontsumitzaileen ohituretan eragiteko.

Aldi berean, abeltzaintza indartzeko ere baliagarri izango da azoka hau eta bertan erakusgai izango dira eskualdeko animaliak zein euskal abereak.

Urriko azoka, eskualdeko azoka nagusia izanik, bertan batzen den jendetza eta sortzen den jai giroari ahalik eta erantzun egokiena emateko asmoz, kontutan izango da elikaduraren balio katea osotasunean txosnak jartzeko aukera barne hartuz.

Landa eremuaren garapenerako garrantzizkoak diren eta landa eremuarekin lotura estua duten bestelako ekimen, hornitzaile zein proiektuk ere euren txokoa izango dute azokan.

APLIKATZEKO EREMUA

Euskadiko Toki Erakundeei buruzko 2/2016 Legeak bere 17. artikuluan dioenez, udalek hainbat esparrutan eskuduntza propioak erabili ahal izango dituzte, eta horietako batzuk harreman zuzena dute udalen toki publikoetan jarduerak egiteko kontuan hartu beharreko antolatze lanekin. Horien artean, hauek nabarmenduko ditugu:

- Espazio publikoetan eta konkurrentzia publikoko leku eta establezimenduetan antolatutako ekintzetako segurtasuna antolatzea eta kudeatzea.
- Establezimendu publikoak eta jolas jarduerak antolatzea eta kudeatzea.
- Barne merkataritza antolatzea eta kudeatzea. Zehatzago esanda, merkatu, hornidura merkatu, azoka, lonja, hiltegi eta kalez kaleko merkataritza antolatzea eta kudeatzea.

Horretaz, Lea Artibaiko Landagarapenak, 2022ko urriaren 8an Markina-Xemeinen antolatuko duen nekazaritza eta ekoizpen azokarako aplikatuko da. Azokaren ordutegia 10:00etatik 15.00ak arte izango da.

BAIMENTZEN DIREN PRODUKTU ETA POSTUAK

| Produktu mota | Baimendutako kopurua |
|---------------------------------------|-----------------------------|
| Ortuariak, frutak | 6 |
| Esneki eta gaztak | 5 |
| Ogia eta gozoak | 6 |
| Haragia eta eratorriak | 5 |
| Eztia | 2 |
| Kontserbak eta ahatekiak | 7 |
| Edariak | 5 |
| Beste ekimen batzuk eta berritzaileak | 5 |

(*) Postuen kopurua aldatu ahal izango da, udal erakundeetako zehaztasun teknikoan arabera zein eskarien balorazio ostean.

Lea Artibaiko Landagarapenak 64 postu jarriko ditu, BBKk utzitako etxolak, eta eurretan salmenta egiteko, aurrez eskaria egin ostean, Lea Artibaiko Landagarapenaren baimena duenak izango du aukera. Baimendutako ekoizle edo eta partehartzaile bakoitzari etxola bat edo gehiago esleitu ahal izango zaizkio eta 38-43 parte hartzaile baimena ematea aurreikusten da, hala ere, banaketa hau Lea Artibaiko Landagarapenaren esku gelditzen da, eta behin eskari guztiak aztertu ostean erabakiko da.

Era berean, produktu motaren arabera baldintzak betetzen dituzten eskatzaileen kopurua aurreikusitakotik beherako bada, antolakuntzak eskubidea izango du beste ataletan emandako postuen kopurua handitzeko edo beste produktu tipologia bat barneratzeko edo ezarritako baldintzak betetzen dituzten baina eskaera ezarritako epean aurkeztu ez duten beste produktore eta/edo egile batzuk gonbidatu ahal izateko.

Ortuari eta frutadunek 100 eurotako dietak jasoko dituzte beti ere, gutxienez 6 produktu ezberdin aurkezten badituzte. Erakusleak bere ustategiko produktuak bakarrik erakutsi eta saldu ahal izango ditu.

Honetaz gain, saria izango da ortuarien mahairik onenarentzat, beti ere, ortuaridun 3 ekoizle edo gehiago bertaratzen badira (200 euro) eta azokako mahairik onenarentzat beste sari bat egongo da (200 euro).

BBKko postuak erabiliz azokan parte hartzen dutenek ez dute lurraren erabileraren truke inolako tasarik ordaindu beharko.

Oinarrietan agertzen diren bestelako baldintzez gain, azokan parte hartzeko ezinbesteko baldintza izango dira:

- Baimenduta egongo diren produktuak izango dira osasuneko arriskurik sortzen ez dutenak, berezko autoritateen iritziz, eta noizbehinkako kaleko salmentarako indarrean dauden araudiak debekatzen ez dituztenak.
- Baldintza orokorretatik aparte postuak eta elikagai mota bakoitza ekoiztu eta eraldatzeko indarrean dauden baldintza higieniko sanitarioak bete beharko dituzte. Gaurko egunez baldintza horiek esteka honetan jasota dagoz eta kontsultatu daitezke:

https://www.euskadi.eus/contenidos/documentacion/guia_mercados_locales/es_def/adjuntos/GUIA_mercados_locales.pdf

https://www.euskadi.eus/contenidos/documentacion/guia_mercados_locales/eu_def/adjuntos/GUIA_mercados_locales_eu.pdf

- c. Postuen kokapena antolatzaileak erabakiko du produktu mota, okupatzen duten espazioa eta momentuko egoera eta baldintzen arabera, beti ere aukeren berdintasuneko irizpidea kontuan hartuko delarik.

Guzti hauetaz gain, ondorengo kasuetan kontuan izan beharko dira:

TXOSNAK

Urriko azoka nagusian sortzen den jai giroari erantzuteko asmoz, 3 txosna kokatzea aurreikusten da, postuen kopurua aldatu ahal izango da, udal erakundeetako edo bestelako erakunderen bateko zehaztasun teknikoen arabera. Txosnek 300 euro ordaindu behar izango dituzte kokatu ahal izatearen truke, ordainketa azoka eguna baino lehen egin beharko da.

Txosna hauetan taloa txorizoarekin edo bestelakoekin jan ahal izango da, eta egun horretan bisitariak animatzeko eta erakartzeko balioko dute. Txosna hauen esleipena oinarri hauetan agertzen diren publizitate, konkurrentzia, berdintasun eta diskriminazio ezari dagozkion irizpide berdinak jarraituz izango da eta behin esleituta kokapena zozketa bidez erabakiko da.

Elikagai guztiak enpresa baimenduetakoak izango dira, RGSEAAn edo REACAVn edo Lehen Sektoreko Produkzio Erregistroetan inskribatuta egongo dira, eta behar bezala identifikatuta egongo dira beren jatorria justifikatzen duten etiketekin, fakturekin edo albaranekin.

Gainera, txosna baten lagapen hartzailea izateko, baldintza hauek bete beharko dira eta eskaeran jasoko dira:

- Txosnen egiturak agintaritza eskudunak behar bezala homologatutakoak izango dira.
- Txosnetako pertsonal guztiak elikagaiak manipulatzeko agiria izan beharko du.
- Harrasketara konektatuta egongo den txorrotako ura izango dute, baita garbitzeko tresnak ere (xaboia, paperezko toallak eta azazkaletarako eskuila).
- Elikagaiak manipulatzeko azalera egokiak izango dituzte. Lauak, iragazgaitzak, inerteak, erraz garbitzekoak izango dira azalera horiek (formika, melamina, altzairu herdoilgaitza, etab.) eta zerbitzatzeko eta kobratzeko azalerekiko bereizita egongo dira.
- Txosna bakoitzak su itzaltzaile bat izango du (F klasea, 6 litro ur AFFF).
- Etiketari hotzean mantendu behar direla adierazten duten produktu guztiak hozteko ganbera, erakustoki edo bitrinetan egongo dira, etiketan adierazten den tenperaturan, hala produktuak garraiatzean nola azokan bertan.
- Jendearentzako edalontziak eta/edo platerak izango dira.
- Biltegitartzeko elementu egokiak egongo dira; beraz, elikagaiek edo horien ontziek ez dute lurra ukituko.
- Gas eta/edo propano instalazio egokiak izango dituzte, gogor antzekoa eta sutatik edo edozein bero iturritatik 1,5 metrotik gorako gutxieneko distantzia egongo da.

BESTELAKOAK

Landa eremurako hain garrantzitsuak diren bestelako ekimen, hornitzaile zein proiektuk euren hautagaitza aurkeztu beharko dute edo eta erakunde antolatzaileak gonbidapena luzatu ahal izango die egoki ikusten dituen entitateei. Lea Artibaiko Landagarapenak guztien arteko hautaketa egin ahal izango du behin, eskariak aztertu ostean.

Eskatzaile hauek ez dute parte hartzeagatik aparteko tasarik ordaindu beharko.

Artisauek ere eskari orria bete beharko dute azokan parte hartzeko. Ekonomia Jardueren gaineko Zergan alta emanda egon beharko da derrigorrez eta aurkeztu egingo da. Aintzat hartuko da erregistro-errolda edo artisau txartela edukitzea.

Animalien kasuan, euskal abereen arrazek lehenatasuna izango dute. Parte hartu nahi duten abeltzainek euren eskari orria aurkeztu beharko dute dagokien dokumentazioarekin eta falta diren arrazen kasuan erakusgai egoteko helburuarekin, euskal abere elkartearekin animaliak ekartzeko bidea jorratuko da, azokara hurbiltzen diren bisitariak euskal abereen ezagutza handitzeko helburuarekin.

Animaliak dakartzatenek dietak jasoko dituzte:

Okela behiak: 550 euro aldrako

Idiak: 140 euro pareak

Ardiak: 355 euro aldrako

Zaldiak: 240 euro aldrako

Erakusketan parte hartzen duten behi, idi zein zaldiak sokan lotuta egon beharko dira derrigorrez. Animalien dieten kasuetan garraioa eta animaliei egin beharreko analisiak sartuta daude, hots, norberak egin behar ditu

Arau hauek ez betetzeak dietak jasotzeko eskubide gabe geratzea ekarriko du, antolatzaileen esku geratzen da dietak eman barik uzteko eskubidea, erabaki honen aurka ez da helegiterik onartuko.

Okelarako behiak:

Aldra bakoitzak 4 buru izan behar ditu eta animalia bakoitzak 6 hilabetetik gora izan behar ditu. Abeltzain bakoitzak nahi duen beste behi ekarri ahal ditu baina, dietak eskuratzekoan aldra bati dagokiona bakarrik jasoko du.

Aurkeztu beharreko dokumentazioa: Animalien banan banakako identifikazio ofizialaren fotokopia, bankuko kontu korrante zenbakia, ustiapen txartelaren eta ustiapeneko jabearen NAN zenbakiaren fotokopiak. Azoka egunean Jatorri eta Osasun Agiria (Guía de Origen y Sanidad pecuaria) eta urteko analisiak aurkeztu beharko dira.

Ardiak:

Honako hau izan beharko da aurkeztu beharreko aldra: ahari bat, bost ardi, urtebetetik bira bitarteko bost arkasta eta arkasto bat, eta urtebetetik beherako bost arkume eme eta ar bat.

Aurkeztu beharreko dokumentazioa: Abereen banan banakako identifikazio ofizialaren fotokopia, bankuko kontu korrante zenbakia, ustiapen txartelaren eta ustiapeneko jabearen NAN zenbakiaren fotokopiak. Azoka egunean Jatorri eta Osasun Agiria (Guía de Origen y Sanidad pecuaria) eta urteko analisiak aurkeztu beharko dira.

Zaldiak:

Aldratzat jotzeko gutxienez 4 buru (3 behor eta zaldi 1) izan behar ditu. Abeltzain bakoitzak nahi duen beste zaldi ekarri ahal ditu baina, dietak eskuratzekoan aldra bati dagokiona bakarrik jasoko du.

Aurkeztu beharreko dokumentazioa: Abereen banan banakako identifikazio ofizialaren fotokopia, bankuko kontu korrante zenbakia, ustiapen txartelaren eta ustiapeneko jabearen NAN zenbakiaren fotokopiak. Azoka egunean Jatorri eta Osasun Agiria (Guía de Origen y Sanidad pecuaria) eta zaldijendea identifikatzeko liburua.

Osasun Alorra:

Erakusketara aurkezteko aldra guztiek abereen osasunari buruz indarrean dauden arauak eta Bizkaiko Foru Aldundiko Abeltzaintzako zerbitzuak eskatzen dituen arauak bete beharko dituzte. Urteko analisiak abeltzain bakoitzak bere kabuz egin behar ditu. Analisi hauen kostea dietaren barruan sartuta dago. Abereak garbituta ekarri beharko dira

Garraioa:

- Abeltzain bakoitzaren esku geldituko da animaliak azoka gunera eramatea, bere kostea dietaren barruan dagoelarik.
- Antolakuntza ez da kargu egiten animaliarri garraioan eta zamaketa lanetan zehar gertatu ahal zaizkion ezbeharren gainean.
- Kasu guztietan antolatzaileen aldetik baimen berezirik izan ezean, abereak, jendeak ikusi ahal izateko, goizeko 10:00etatik arratsaldeko 15:00etara egon beharko dira erakusgai.
- Animaliak arratsaldeko 17:00ak baino arinago jaso behar dira garbiketa lanak gauzatzeko.

Erakusketatik kanpoko araua:

Abereen erakusketa eta salerosketa egitera hurbildu nahi dutenentzat antolatzaileek gune bat jarriko dute. Gune honetan parte hartu nahi dutenek Lea-Artibai Landa Garapenerako Alkarteari jakinarazi beharko diote. Abere hauek ere, abere osasunari buruz indarrean dauden arauak eta Bizkaiko Foru Aldundiko Abeltzaintzako zerbitzuak eskatzen dituen arauak bete beharko dituzte. Albaitarien analisiak eskuragarri izan beharko dituzte edozein momentuan eskatu ahal izango zaizkie eta. Gune honetarako animaliek ez dute dietarik jasoko.

Behi ustiategiaren artean arraza bakoitzeko onenarentzat sariak banatuko dira, beti ere, arraza bakoitzerako eskualdeko 3 ustiategi edo gehiago badaude. Animaliak erakustokira atera behar izango dira lehiaketan parte hartzeko, antolatzaileek adierazten duten kopuruan eta eran.

Arraza bakoitzeko ustiategi onenarentzat saria: 200 euro.

BETE BEHARREKO BALDINTZAK

- Udal baimena izatea (eskaria aztertu ostean dagokionari emango zaio).
- Salgai jartzen diren produktuak norberak ekoiztuta izan behar dira. Ez da birsalmentarik onartzen.
- Bere jarduera ekonomikoagatik dagozkion jarduera ekonomikoko epigrafean eta gizarte segurantzian alta emanda egotea eta ordainketetan egunean egotea.
- Indarrean dagoen araudiaren arabera nekazaritzako sailak daukan erroldan alta emanda egotea.

| JARDUERA | REGEPA | REGA | RGSEAA | REACAV | RIAA ¹ |
|-------------------------------------|--------|------|--------|--------|-------------------|
| EKOIZPEN PRIMARIOA | | | | | |
| Landare jatorria | X | | | | |
| Animalia jatorria | | X | | | |
| ERAGIKETA LOTUAK² | | | | | |
| Landare jatorria | X | | | | X |
| Animalia jatorria | | X | | | X |
| TRANSFORMAZIOA³ | | | | | |
| Konbentzionala | | | X | | X |
| Malgutua ⁴ | | | | X | X |

(1) Azoka edo feria ekoizpenaren tokiko inguruko eremuan bada, ez da RIAAn inskribatu beharko.

Industria agraria y alimentaria: instalaciones capaces de funcionar como empresa autónoma cuyos productos no sean comercializados exclusivamente al consumidor final ni a mercados de la propia localidad.

(2) Landareak: adib. Ekoizpen lekuan landareak sailkatzea eta ontziratzea (Gida: 23. orria)

Animaliak: adib. Erlezainaren instalazioen barruan eztea ontziratzea

(3) Transformazio jardueraz gain, ekoizleak ekoitzi ere egiten badu, REGAn edo REGEPAn ere egongo da, bietatik dagokionean. (Gida: 25. orria)

(4) EAEko malgutzearen barne badago. (Gida: 50. orria)

- Merkaturatzen dituen produktuen arabera berezko araudiak ezartzen dituen baldintza higieniko sanitarioak eta bestelakoak betetzea.
- Ekimena gauzatzen den egunean salmenta justifikatzen duen agiria jaurtitzeko gaitasuna (salmentako agiria edo tiketa).
- Ontziratutako produktuen kasuan ustiakuntza edo eraldatzeko zentroaren kodearekin identifikatzea.
- Salduko diren produktuak arautzen dituzten baldintza higieniko sanitarioak eta bestelako arauak (mantenimendu, garraio eta manipulatzekoak besteak beste) ezagutu eta betetzen dituela aitortzea bere erantzukizun bakarraren pean.
- Elikagaiak manipulatu gero postuan, jendeari arreta ematen diotenek dagokion prestakuntza egiaztatzea edo erantzukizunpean adieraztea.
- Aseguru poliza izan beharko da, erantzukizun zibilaren poliza, zeinak era guztietako kontingentziak ta ezbeharrak estali beharko dituen.
- Ogasunarekin eta Gizarte Segurantzarekin egunean dagoela erantzukizunpean adieraztea.
- Autonomo edo mikroenpresa izatea Europako Batzordearen 651/2014 (EB) Erregelamenduarien I. eranskinean ezarritako irizpideak jarraituz.

IRIZPIDEAK

Ekimen bakoitzak dauzkan ezaugarriak kontuan hartuta produktu ezberdin bakoitzaren saltzaile kopurua mugatua izango da.

Lehentasunak erabakitzeke eta eragileak esleitzeko momentuetarako ondoko irizpideak erabiliko ditu Lea Artibaiko Landagarapenak. Produktu mota baterako puntuazio berdina lortuz gero zozketa bidez esleituko da postua.

Elikagaien salmentarako postuak esleitzerakoan honako alderdi hauek baloratuko dira, bakoitzaren puntuazioarekin, gehienez 50 puntu lortu daitezkeelarik:

- Titulu Nagusiko Baserritarra (ATP) izatea: 5 puntu.

- Nekazari gaztea izatea (Nekazaritza Politika Erkidearen arabera, nekazaritzako ustiatgien erregistroan erregistratuta egotea eta 18 urte baino gehiago eta 41 urte baino gutxiago izatea): 5 puntu.
- Emakume baserritarra izatea: 5 puntu.
- Zertifikatutako produktu ekologikoak: 5 puntu.
- Euskal Erkidego Autonomoko kalitateko marka babestuak (Eusko Label, Idiazabal Jatorri Deitura, Bizkaiko Txakolina Jatorri Deitura, Euskal baserri,...): 5 puntu izendapen bakoitzagatik. Gehienez 15 puntu lortu ahal dira.
- Ingurumenarekiko jasangarritasun irizpideak:
 - Produktuak garraiatzeko ibilgailu elektriko edo hibridoa erabiltzea: 5 puntu
 - Jasangarritasuna eta kutsadura ekiditeko helburuarekin, ekimena egingo den puntutik produktuaren jatorria daukan zentrorainoko 10 kmko distantzia bakoitzagatik (beti ere errepide-saretik neurtua): minus puntu 1. Gehienez 10 puntu kendu daitezkeelarik
- Elaboratutako salgaien kasuan, nork bere etxaldean sortutako edo ekoiztutako lehengaiak erabiltzeagatik: 5 puntu.
- Elaboratutako salgaien kasuan baimendutako instalazio propioak dauzkaten ustiategiak: 5 puntu.
- Lea Artibaiko Landagarapen Alkarteak azken 12 hilabetetan antolatutako azokaren batean esleitua izan eta, inolako azalpenik gabe eta aurretiaz abisatu gabe, bertaratu ez denak minus 10 puntu izango ditu. Egoera berbera bi aldiz ematen baldin bada, minus 30 puntu izango ditu.

Txosnen esleipenerako 49 puntu gehienez lortu ahal izango dira eta ondoko irizpideak izango dira kontutan:

- Emakumea izatea: 5 puntu
- Zertifikatutako produktu ekologikoak: 5 puntu
- Nekazari gaztea (Nekazaritzako Ustiatgien Erregistroan erregistratuta egotea eta 18 urte baino gehiago eta 41 urte baino gutxiago izatea): 5 puntu.
- Euskal Erkidego Autonomoko kalitateko marka babestuen ekoizleak (Eusko Label, Idiazabal Jatorri Deitura, Bizkaiko Txakolina Jatorri Deitura, Euskal baserri,...): 5 puntu izendapen bakoitzagatik. Gehienez 15 puntu lortu ahal dira.
- Ingurumenarekiko jasangarritasun irizpideak:
 - Produktuak garraiatzeko ibilgailu elektriko edo hibridoa erabiltzea: 5 puntu
 - Jasangarritasuna eta kutsadura ekiditeko helburuarekin, ekimena egingo den puntutik produktuaren jatorria daukan zentrorainoko 10 kmko distantzia bakoitzagatik (beti ere errepide-saretik neurtua): minus puntu 1. Gehienez 10 puntu kendu daitezkeelarik
- Elaboratutako salgaien kasuan, nork bere etxaldean ekoiztutako lehengaiak erabiltzeagatik: 5 puntu.
- Norbere instalazio propioetan egitea salgai jartzen dituzten produktuak. Honako osasun-erregistro edo botilaratzaile-erregistro hauek baloratuko dira:
 - Haragi manipulaziorako lantegia: 3 puntu. Osasun-erregistroa aurkeztea.
 - Errota 3 puntu. Osasun-erregistroa aurkeztea.
 - Upeltegia 3 puntu. Osasun-erregistroa eta botilaratzailea aurkeztea.

Kasu guztietan ere, eskatzailea elkarte edo sozietate bat denean bazkide kopurua eta baloratuko den atalaren arteko proportzioan emango dira puntuak.

ESKAERAK AURKEZTEA ETA ESLEIPENA

Eskaera orria bestelako dokumentazioarekin batera aurkeztu beharko da Lea Artibaiko Landagarapenen bulegoan (Lea Artibaiko Berrikuntza Gunea, Xemein etorbidea 12, beheko solairua. Markina-Xemein helbidean) edo eta landagarapena@leartibaifundazioa.eus helbide elektronikoan.

Eskaerak aurkezteko epea 2022ko irailaren 1, 2, 5 eta 7an izango da 8:00etatik eta 14:00etara bitartean.

Ez dira onartuko epez kanpo aurkeztutako eskaerak.

Eskariak aurkezteko epea amaitzean, eskari guztien azterketa egingo da eta eskumena duen organoak ebatziko du baimena ematea edo ukatzea. Erabaki hau hartzeko antolatzaileak, horrela uste badu, beharrezkoak ikusten dituen txostenak edo eta dokumentuak eskatu ahal izango dizkio egoki irizten dien partehartzaile-gaiei.

Ebazpena egin ostean, eskaria aurkeztu duten interesdunei idatziz erantzungo zaie, baiezkoa zein ezezkoa izan. Lea Artibaiko Landagarapen alkarteak onartuen azken zerrenda osatzeko azken erabakia du eta parte hartzaileen onarpen eskubidea gordetzen du.

DOKUMENTAZIOA

Guztiek:

- Eskari orria (I eranskina)

Elikagaien salmenta:

- Erantzukizunpeko adierazpena (II eranskina)

Txosnak:

- Erantzukizunpeko adierazpena (III eranskina)

Artisauak:

- Ekonomia Jardueren gaineko Zergan alta emanda daudenaren ziurtagiria.
- Aintzat hartuko da erregistro-errolda edo artisau txartela edukitzea.

Animaliak:

- Okelarako behiak:
 - Animalien banan banakako identifikazio ofizialaren fotokopia.
 - Bankuko kontu korrante zenbakia.
 - Ustiapen txartelaren fotokopia
 - Ustiapeneko titularraren NANaren fotokopia.
 - Azoka egunean: Jatorri eta Osasun Agiria eta urteko analisiak
- Ardiak:
 - Animalien banan banakako identifikazio ofizialaren fotokopia.
 - Bankuko kontu korrante zenbakia.
 - Ustiapen txartelaren fotokopia
 - Ustiapeneko titularraren NANaren fotokopia.
 - Azoka egunean: Jatorri eta Osasun Agiria eta urteko analisiak
- Zaldiak:
 - Animalien banan banakako identifikazio ofizialaren fotokopia.
 - Bankuko kontu korrante zenbakia.

- Ustiapen txartelaren fotokopia
- Ustiapeneko titularraren NANaren fotokopia.
- Azoka egunean: Jatorri eta Osasun Agiria eta zaldijendea identifikatzeko liburua.

Erakunde antolatzaileak, oinarrietan agertzen diren baldintzak betetzen dituela edo eta irizpideetan agertzen diren atalak baloratu ahal izateko, beren-beregi ziurtatu ahal izateko edozein dokumentazio gehigarri eskatu ahal izango dio partehartzaileari.

ESKUBIDE ETA BETEBEHARRAK

Salmenta egiteko baimena jasoko duten pertsonak ondoko eskubideak daukate:

- Baimena daukaten postua okupatu
- Baimendutako salmenta gauzatu ahal izan, beti ere ezarritako baldintzen arabera
- Azokaren funtzionamendua hobetzeko egoki deritzen erreklamazio eta iradokizunak aurkeztu
- Identifikatzeko txartela jaso

Salmenta egiteko udal baimena jasoko duten pertsonak ondoko betebeharrak daukate:

- Ekoizle bakoitzak bere produktua baino ezin izango du saldu, bere ustiategian edo baimen sanitarioa daukan establezimendu baten ekoiztutakoak izan behar dute.
- Saltzaile bakoitza produktu motagatik aukeratua izan denez, produktu horiek bakarrik saldu ahal izango ditu.
- Egokitu zaion postua eta espazioa baino ez okupatu.
- Emandako identifikazioaren euskarriak edonork ondo ikusteko moduan edukitzea, bai kontsumitzaile zein udal agintaritzarentzat. Betebehar hau ez betetzeak postuaren altxatzea erakarri dezake eta baita ere, horrela badagokio, zigorra ezartzeko espedientea hastea.
- Momentu guztietan indarrean dagoen araudia errespetatu
- Merkaturatzen diren produktuen informazioa, euren prezioak, eta ekoizleak identifikatzeko kontsumitzaileak behar duen informazioa ondo ikusteko moduan eduki denbora guztian. Produktuen prezioak argi eta errakuntzara ez erodateko moduan egongo dira kartel edo etiketen bidez.
- Saltzaileen ibilgailuak ezarritako lekuetan aparkatuko dira.
- Erreklamazio orriak eskuragarri edukiko dituzte.
- Eskaintzen dituzten produktuak neurtu edo pisatzeko araututako baskula edo neurgailua eduki.
- Hotza eskatzen duten produktuak egokiak diren hozkailuetan gordeko dira.
- Ontziratu gabeko produktuak pantailekin babestu behar dira.
- Ezin dira elikagaiak lurrian eduki.
- Erosleek eskatuz gero salmentako agiria jasotzeko eskubidea daukate (faktura edo tiketa). Bertan ondoko datuak agertuko dira:
 - Datu pertsonalak
 - NAN edo IFK
 - Egoitzaren helbidea
 - Data

- Produktua
- Prezioa
- Kantitatea
- Sortutako hondakinak biltzen joango dira eta salmentako ordutegia amaitzen denean prestatutako puntuetara eramango dira, postua eta bere ingurua txukun itxi beharko ditu.
- Hasteko eta amaitzeko ordutegia errespetatuko da eta bitartean ezin izango da ibilgailurik salmenta esparruan sartu.
- Ekimenak irauten duen artean derrigorrez bete beharko dira begirune, txukuntasun eta garbitasun baldintzak. Saltzen dagoenak garbi egon behar du, baita ere aldean daramatzan arropak eta jarduerarako behar dituen tresnak.
- Produktua zatitzea baimenduta dagoen kasuetan derrigorrezkoa izango da salmenta-puntu horretan edangarria den ura egotea. Aukera dute txorrodun ur-biltegiak, xaboi likidoa eta paperezko zapiak edukitzea.
- Ontziratu bako produktuak produzitzen dituzten ekoizle guztiek eduki beharko dute Elikadura Higiene arloko Prestakuntza jaso dutela egiaztatzen duen Norbanako Ziurtagiria eguneratua, ortuari eta fruta kasuak ezean.
- Elikagaiak ondo ordenatuta jarriko dira ikusgai, sailkatuta eta banan, bakotxak bere ezaugarri bereziei eusteko eta usainak, zapore arraroak eta kutsadura ekiditeko
- Azoka amaitzen denean, salmenta-postua eta ingurua garbi eta txukun itxi beharko dute. Zoladurari, arborei edo jabetza publikoko ondasunei kalteren bat eraginez gero euren izango dira kalteak konpontzearen erantzule. Horretaz gain, euren jardueraren ondorioz hirugarren bateri edo batzuei kalte edo galeraren bat sortuz gero (pertsonei edo euren ondasunei) kalte edo galera horien erantzule be izango dira. Beraz dagokien erantzun zibileko aseguruia eduki (eta hori horrela dela egiaztatu) beharko dute, zeinak era guztietako kontingentzia eta ezbeharrak estali beharko dituen.
- Etorkizunean indarrean egon daitezkeen araudiak betetzeko betebeharra, nahiz eta araudi honetan jaso barik egon.
- Ekoizpen zentroak ikuskatu ahal izateko erraztasunak eman.
- Edari alkoholdunak adin txikikoei saltzea edo hornitzea erabat debekatuta egongo da. Ildo horretan, edari alkoholdunak salduko diren postu guztietan ikusteko moduan jarri behar dira adin txikikoei edari alkoholdunak saltze debekatuta dagoela adierazten duten kartelak.
- Erreklamazio orriak dituela adierazten duen oharra ikusgai izan beharko dute, baita erreklamazio orriak ere.
- Errespetuz tratatu eta tratatuak izan.

ZIGORTZEKO ERREGIMENA

Antolatzaileek zainduko dute araudi honetan jasotako betebeharrak betetzea.

Bere eskumenen arabera produktuak eta postuak ikuskatu ahal izango ditu eta horiei buruzko informazioa eskatu.

Saltzeko ipintzen diren produktuak osasun edo segurtasunerako arriskua ekarri badezakete, iruzurrekoak badira, faltsuak badira, identifikatu barik badaude edo saltzeko gutxienekoak ez badira betetzen espedientea zabaltzea ekar dezakete eta baita produktuak inkautatzea ere.

Beste entitate eta instituzioek dauzkaten zigortzeko eskumenetatik aparte agirian gelditzen diren faltak zigortu ahal izango ditu, araudi honek ezartzen duenaren arabera.

Indarrean dagoen prozedura administratiboak arautzen du zigorrak ezartzea eta baita errekurtsioak ipintzea ere.

Baimena daukaten titularrak dira bere postua okupatzen duten kideen falta eta arau ez betetzearen erantzuleak.

ARAUAK EZ BETETZEA:

Ez betetzeak arinak eta larriak izan ahal dira.

- Arinak: araudi honetan jasotako baldintzak ez betetzea baina kontsumitzaileentzat kalte ekonomiko edo osasunerako eraginik ez dituztenak.
- Larriak:
 - Arau hauste sanitario larriak eta pertsonen osasuna arriskuan ipintzen dituztenak.
 - Kontsumitzaileei eragin larriak sortzen dizkienak.
 - Ordena ekonomikoa apurtzen dutenak.

ZIGORRAK:

Arau hauste arinak: Abisua edota 1.500 €tarainoko isuna.

Arau hauste larriak: 9.000 €tarainoko isuna edota hurrengo 4 ekimenetan berriro parte hartzeko eskubidea galtzea.

Espedientea ebatzi behar duenak produktuen inkautazioa ere erabaki dezake, faltsuak izateagatik edota identifikazio barik egoteagatik.

KONFIDENTZIALTASUNA ETA DATU PERTSONALEN BABESA

Parte hartzaile guztiei jakinarazten zaie beraien datu pertsonalak erakunde antolatzaileak tratatuko dituela azoka honetarako eskaera eta partaidetza, eta oinarri hauek onartzeagatik ezarriko den kontratu harremana kudeatzeko, baita erakunde antolatzaileak dituen betebeharrak legalak betetzeko ere. Zure datu pertsonalen tratamenduari edo datu horietara sartzeko, horiek zuzentzeko, ezabatuzko, mugatzeko, eramateko eta aurka egiteko duzun eskubideari buruzko informazio gehiago izango duzu eskaerak aurkezteko formularioko klausula espezifikoan.

EZINBESTEKO KAUSAK

Interes publikoko edozein arrazoiengatik, agintari publikoek azoka egitea debekatuko balute, edo azoka egiteko antolatzaileen ustez bideragarriak ez diren baldintzak ezarriko balituzte edo beste kanpo arrazoiengatik azoka bertan behera utzi beharko balitzateke, kode zibilaren 1.105 artikuluan ezarritakoaren ildotik, parte-hartzaileek ezingo diote inolako zenbatekorik eskatu antolatzaileari merkatua bertan behera geratzeagatik.

AMAIERA

Oinarrien agiri honetan aurreikusi ez diren egoerak edo baldintzak erakunde antolatzailearen irizpideen arabera ebatziko dira eta bere erabakiei ezingo zaie errekurtsorik jarri.